

沈乃文主編

明別集叢刊 第二輯

第七十五冊

黃山書社





國家出版基金項目
NATIONAL PUBLICATION FOUNDATION

『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第二輯

第七十五冊

黃山書社



(明) 沈鍊 著

青霞沈公遺集十六卷

清乾隆馬彭年刻嘉慶增修本

重刻青霞集序

新保安城西故明青霞沈先生祠在焉先生赤忠勁節天下學士大夫皆能言之獨集刻不概見余家藏先生所與族高祖孟河太史書憂時愛國之意溢於楮表然一斑僅窺全豹未覩緬維吾漂邑為先生桐鄉保安則先生取義成仁之地余生漂陽而分司之治在保安似於先生非偶然者

顧欲求遺集裔孫振家斷不我與訪弓問劍邈若山河非一日矣蓋先生之既遭誣被陷也權奸亦知先生之文字必傳先生之文字傳則權奸縱免罪於生前必不能逃誅於身後故既已覆巢壓卵更復燬玉焚珠榜禁存先生文字者罪無赦於是剩墨遺編俱歸一燼獨弟子武崇文穴地瘞藏昭雪後出以授公子小霞得付剞劂迨

康熙庚子之歲地震祠圯刻板之在祠者又零落殆盡今僅存一帙振家欽如拱璧余知其意亦不相強也既而余謁先生祠輒問振家先集無恙諸生謂余惓惓如是先生吾漂陽之先生願倡捐重梓余曰善哉固先生之能感人也振家欣然出集盡或蝕之矣薰沐莊誦訂補殘缺者久之是時屬邑寮士傳聞咸喟然嘆謂先生在漂

陽所為詩歌文詞皆吾宣府生靈保障之為先生吾宣府之先生也相與輸金恐後凡五閱月而工告竣夫傳芳踪而光川嶽表前烈以興懦頑司風教者之任况余于先生尤有不容已者耶會懷令吳君重修先生祠因沐浴虔告先生而藏其板於寢室
乾隆十九年甲戌中秋

誥授奉政大夫直隸宣化府東路糧捕同
知漂陽後學馬彭年拜手撰

三

青霞沈公小像



沈公像贊

卷之一

古社稷臣圖國遺身天道寧論激若矢直不堪回
復義形於色莫贖匪貳莫摯匪恚莫肆匪恭當前
庚戌王儼靡詰中邊牙通青霞廷數袒裼暴虎單
于尺組彼贖罔倭席視憫焉謫田於邊於邊不慣
首功真廣惟憂用諫我諫我哦憐莫懲嗟二憾則
那二憾惛惛甚殲於攀蜚名白蓮哀哉永畢荆虹
貫日萇丹流碧易世易名報德報刑盼蠻昭靈昭
靈在天青霞僊僊哀哉社稷臣衣冠儼然

烏程後學沈 淮拜手書

先集紀原 元

先大夫抗疏謫居窮荒者八年上憤奸相蒙禍國家下憤邊臣割生欺主抑鬱不平之氣往往發之詩歌文章裏隨先大夫几席每落紙卽繕寫累四十卷是歲先大夫命裏歸葬大父業已哀次成帙將攜歸以梓而先大夫不可竟留之篋中比余歸歲餘而姦黨已構先大夫之禍矣發難之日楊順路楷籍沒予家罄先大夫篋留故帙并燬無遺又恐先大夫諸弟子有副本藏留復榜於市凡匿沈氏遺稿片紙隻字者按捕同罪於是諸弟子相錯

沈青霞公集 先集紀原

一

愕恐怖投諸水火今所僅存皆裏口誦而心記什之一二耳當是時順楷意欲株連以杜伸復裏自計不免獄中抱病匍匐僅錄若干窘迫倉忙多斷簡殘句踰年出獄而家已散故舍成邱墟骨肉無踪跡更欲記憶改正緣久居於困頓束縛之中心碎於愁苦喪敗之後并所憶者而忘之矣乃逼諸先大夫故弟子家泣請故稿卒無所得獨武生崇文者引余入後園穴地出先大夫書文若干并

武生授余而泣曰彼時榜示甚嚴余甚恐正欲火忽腸若刃刺者俄仆地隕絕不知所

爲頃之見先師緋衣而劍叱日子亦欲燬我遺文以媚若輩乎遂驚寤不敢而掘地藏此今得授子可無負矣嗚呼先大夫以詩文而受禍忠直而忤時姦黨毀先大夫之身何至毀先大夫之文毀先大夫之文何能毀先大夫之名乎古之忠臣義士被讒搆而奪其官或殺其身遺累其妻子者有矣未聞并其文章而毀之者姦相舞權以快私仇順楷羅織以承意旨蓋不獨奪其官殺其身籍沒其家殄滅其妻子又欲舉其生平詩文而燬之其存心慘割何至於此裏之痛心遺恨固不待言而羣

沈青霞公集 先集紀原

二

姦肆惡流毒彌天亦可以觀世道矣嗚呼先大夫之事業未竟於平生而論議忠愍悉見於詩文令詩文不泯則先大夫未竟之業孤憤之忠昭昭然於簡牘之間也一二煨燼之餘讀者能不一慨乎隆慶元年秋十月之吉男裏泣血謹識

青霞公文集原序

青霞沈君山錦衣經歷上書詆宰執宰執深嫉之方力構其罪賴明天子仁聖特薄其譴徙之塞上當是時君之直諫之名滿天下已而君累然携妻子出家塞上會北二數內犯而帥府以下束手閉壘以恣口之出沒不及飛一鏃以相抗甚且及口之退則割中土之戰沒者野行者之馘以爲功而父之哭其子妻之哭其夫兄之哭其弟者往往而是無所控籲君旣上憤疆場之日弛而下痛諸將士之日菅刈我人民以蒙國家也數鳴咽欷歔

沈青霞公集

茅序

一

而以其所飲鬱發之於詩歌文章以泄其懷卽集中所載諸什是也君故以直諫爲重於時而其所著爲詩歌文章又多所譏刺稍稍傳播上下震恐始出死力相煽搆而君之禍作矣君旣沒而中朝之士雖不敢訟言其事而一時閭寄所相與讒君者尋且坐罪罷去又未幾故宰執之讐君者亦報罷而君之故人俞君於是哀輯其平生所著若干卷刻而傳之而其子襄來請余序之首簡茅子受讀而題之曰若君者非古之志士之遺乎哉孔子刪詩自小弁之怨親巷伯之刺讒而下其間忠臣

寡婦幽人懟士之什並列之爲風疏之爲雅不可勝數豈皆古之中聲也哉然孔子不遽遺之者特憫其人矜其志猶曰發乎情止乎禮義言之者無罪聞之者足以爲戒焉耳予嘗按次春秋以來屈原之騷疑於怨伍胥之諫疑於脅賈誼之疏疑於激叔夜之詩疑於憤劉蕡之對疑於亢然推孔子刪詩之旨而哀次之當亦未必無錄之者君旣沒而海內之薦紳大夫至今言及君無不酸鼻而流涕嗚呼集中所載鳴劍籌邊諸什試令後之人讀之其足以寒賊臣之膽而躍塞垣戰士之馬而作

沈青霞公集

茅序

二

之憤也固矣他日國家采風者之使出而覽觀焉其能遺之也乎予謹識之至於文詞之工不工及當古作者之旨與否非所以論君之大者也予故不著

嘉靖癸亥孟春望日

賜進士中憲大夫河南按察司副使前吏禮兵三部郎歸安茅坤拜手序

余讀屈賈書未嘗不掩卷歎歎其憫時悼俗之心之不能已也當楚懷漢文日去古未遠先王聲教流布方域熠燿辰星而淪洽人心間蝕商秦之季可封之屋尙比比也二子毅然淳龐激揚來世忠憤薄於霄漢述作根於肺肝至心與時違慷慨沉播自世所不堪而怡然適順淵乎莫窺其涯止何者心運精微故奮迅激昂睥睨鋸鑊矧悲歌刺指遑計諸時俗而齟齬哉蓋觀於沈君純甫而重有感於二子云余齡齒知問學知沈君峻嶮跌宕之多古心也心竊向往之見所著述輒手錄誦讀不

沈青霞公集

俞序

一

啻芝蘭之襲衣裾而馨香周旋靡置者匪徒貴其音節之協宮商也暨君薦賢書領邑牧叅金吾軍由言事遷桑乾之滸中間流衍積習非忠孝之道弗庸以故大戾時俗沉播終身往往構君著述不可得癸亥春余補官留臺君之伯肩襄始携是編寓余曰此先子所僅遺者攬涕丐梓以起君不朽之心余歛歔若讀屈賈之書然尋余移官閩中搜閱之不覺嗟嗟殆甚於戲今何時也重熙累洽可封之俗蓋烈於當世而君克篤忠憤奮乎千百世之上浮雲富貴意氣金石必中心有大不能已者

不然音節淋漓悒鬱悽愴其動天地感鬼神何篇什十八九也傳日言者心之聲也君子攷於其言而千百世之下寧無矍然以君爲今之屈賈其人者乎爰鋟梓以副君伯肩之請若君生平較致之詳明也茅伯憲已悉其序於右云

嘉靖丙寅夏浙山陰南石俞咨益敘

沈青霞公集

俞序

二

余宗沈氏本姬姓周文王第十子聃季之後武王分封子沈子孫因以爲氏在春秋有葉公沈諸梁即此支也地近湖廣後爲楚國所滅子孫散入各國世載相沿其詳不可悉考秦時有丞相沈戎封郡吳興即今浙江湖州府德清縣地名金鵝里餘不鄉歷今數千年凡沈氏之分枝析幹多由於此族繁人衆不可枚舉惟余家一支乃自湖州初遷于杭州錢塘者則唐時進士遵道公也再自錢塘遷于紹興者則宋神宗時封國公諱煥諡忠肅公也自忠肅公之後支派繁衍分遷各地不可計算

青霞公集

家譜

卷之一

若紹興之霞頭東浦曹娥高埠長港壽勝馬塢蓬山乾溪魚池頭臺閣塢山棲後梅西余山及外省之河南遼東俱是忠肅公季子繼先府君由進士歷官江寧府太守十三世至青霞公編管保安一支十四世小霞公十五世相如公十六世嗣寧府君十七世鳳徵府君十八世今大哥陽十九世今振家姪

今才威因保安祠堂乏人故伯鳳徵哀請來敦守祠因仗義而來入籍懷來邑庠乃自江寧太守公十三世至于安祥公即碧霞十四世明進士莊靜公

十五世清朝江西總兵克孝公十六世廣西同知廢偕公

十七世今父尚玉知縣諱維垣十八世即大成

南籍行三居長本諱如鳳字德宇

胞弟行倉諱如顯字彭千行九居三諱如慶字緯千

大成親叔廷玉諱偉湖南知縣三長如驥行二字與千次行四居四

三如驥行五字與千

大成配馮氏係廣東南雄通判歷連州知州廣州知府諱槐長女現生一子四歲諱嘉子側出雍正八年三月二十四日偶錄

青霞公集

家譜

卷之二

祀田碑記

明贈光祿寺少卿忠愍沈公祠在宣即東路之保安公謫所也公劾權相嵩父子翼虎誤國請謬之廷榜數十謫佃開外公倉卒寄妻孥于廣柳軍里老聞公至爭饋薪粢徙家以家公公既謫矣持遵晦之說優游塞上可不及于禍公勁氣特達不少挫衄刺嵩冒嵩縛草肖奸以擯射嵩而卒以殺身若公者真可謂歲寒之一人矣當嵩微時抗疏劾嵩死最烈者畿南椒山楊公畿北則公死于編管碧血丹心均與日月爭光者獨椒山死妻子得免

青霞公集

碑文

卷之一

公則受巢無完卵開外之民今猶傷之椒山祠之在保定者余總藩時已治之並立祀田瞻其嗣人丙子冬閱邊至保安謁公祠求其後宣化黃令可潤懷來吳令文正以公後人式微祀田弗守爲言余曰此守土者之責也二令資其裔孫振家故田數頃鬻於孟姓謀贖之孟姓嚮義以三頃歸祠爺受直二令請書以垂後余謂公之貞風浩氣時照耀於關雲嶺雪之間不以沙塞荒漠而就湮也而歸田供祀與昔之徙家饋祭者如一轍嗚呼此百世之公心哉振家出公長子襄之後襄遭難時遺

孤在越獲免未始非天意也因率連書之

太子太保直隸總督都察院右都御史桐城方觀

承撰

乾隆二十二年歲次丁丑孟冬之月

青霞公集

碑文

卷之二

保安增置沈貞肅祠水田碑記

終有明之世忠良屠僇若三大案三小案外嘉靖間死最烈者南則曾稽沈公北則容城楊公皆死奸相嚴嵩手楊之劾嵩也後予諡在先沈之劾嵩也先史稱天啟初予諡忠愍而公年譜載萬歷三十四年公孫存德請諡崇禎十六年南京禮部侍郎管紹寧請諡公貞肅若忠壯得旨照正擬予諡今新保安本名亦名雷有沈貞肅公祠榜其得實無可疑也當嘉慶丁巳夏予入祠拜公象公裔孫翼祖並以畫象示予蓋公故里有表忠祠而天津

青霞公集

碑文

卷之三

公僑寓地亦有祠新保安之祠故公謫佃所孫會世奉祠弗絕予因題五言十六韻揭之楣今戊午四月予復過祠下翼祖率其子來迎且謝增置祭田之舉愕然無以應也而吾家宣化太守鼎震曰有之曷者承捐書院費百金事未集適入祠見所榜詩及壁間祭田碑知明隆萬間巡按御史吳允中捐置如千畝康熙四十二年懷來令陳潤尊置右所田二十畝乾隆二十二年懷來令吳文正爲贖地數頃其三頃則姓孟者歸直弗受第山田硤薄一頃不得三四鍾曾國子生楊萬年有保安州

左家渠四十一畝宜杭稻無水旱憂願以原直二百金歸之祠故任其直之半而其半取之曩所捐書院者焉嗚呼死諫之臣與疆場之死事緩急固以異矣古志士仁人之烈不有其身何有於子孫顧自志士仁人言之則可自他人言之則曩好不存而人之道亦幾於息當公戌保安時賈某者既從家以家公史謂未有館舍賈某從遊之栗鉞梁子健哭公尸武崇文匿公詩文豪行於世惜史不能遍以及而牲醪之奉饘粥之供易世而下猶如公初謫時給薪水惟恐後者嗚呼不已亮哉公大較

青霞公集

碑文

卷之四

與忠愍同謫刑詩亦述忠愍他詩文豪宕而不詭於法觀其志者廉頑立懦嗷然爭日月光因爲揭史家之小誤而叙其祭田增置之由俾後之人知予得稍以示觀風立教之意者微太守之賢不及此左家渠導洋河成之畝直六七金其四至及禁私賣買公牘俱詳別石

賜進士出身榮祿大夫 經筵講官都察院左都御史提督順天等府學政南漣吳省欽撰文賜進士出身朝議大夫宣化府知府前翰林院編修固始吳鼎震篆額並書丹

北郭單于騎東窓宰相家致身扶赤日抉賞鬱青
霞政行三遷滯咨謀一秩差訓擇棄繻原翫饌請
劍獨磋呀罪止窮荒竄威先大杖加嚮風爭倒屣
殷地慘聞笳每獻丁男級爲紆甲士縞縛芻排魃
魁叢矢麗磨磨作賦籌邊切投書節鎮餘轉猴言
觸諱喉口教通邪巢破難完卵株枯族茁芽遺文
寬禁約屢詔予褒嘉剝喪非無漸權奸亦有涯光
連錦衣幕冤吐白蓮花溝壑孤臣願祠堂卒史謗
椒山真繼起馮弔此龍沙

嘉慶二年丁巳清和月下澣

青霞公集

十六韻詩

卷之一

講筵侍郎督學使者南漚後學吳省欽冲之甫謁
沈貞肅公祠謹題

沈青霞公遺集

目錄

卷之一

文集上

卷之二

文集

卷之三

文集下

卷之四

賦

沈青霞公集

目錄

卷之五

詩集上

卷之六

詩集

卷之七

詩集下

卷之八

論草

卷之九

兵說

卷之十

尺牘上

卷之十一

尺牘下

卷之十二

年譜

卷之十三

事紀上

卷之十四

事紀下

沈青霞公集目錄

卷之十五

詞集上

卷之十六

詞集下

二

青霞沈公遺集卷之一

青霞沈 鍊純甫著

男

襄

袞

同閔

姪

京

栗陽後學馬彭年重錄

順德後學吳文正校輯

七世孫振家重校梓

序

贈蔣君冠帶序

士民入粟而冠服制也邑之里蔣君實以是官而

沈青霞公集卷之一序

一

同黨咸榮之謂當有詞命所以嘉重事而揚光輝
俾余述之夫冠服者名器之章也一命之爵懸於
天憲被而服之既與韋布異矣不寵榮之可乎知
其榮而已矣美衣裳而非德義都名器而薄忠信
瀆王之章而慢天憲焉是同黨之所辱也而何榮
之有夫玄豹不飲而澤文章所以榮百獸也鳳凰
之有羽毛所以異衆禽也無謂其爵微名器不殊
焉負名器於其身則思寵榮知寵榮則思分守矜
莊肅穆儼然而章采之以與忠信並美以重王官
之黼黻以揚士民之德義以對鄉閭之嘉命以光

區也而吾東沙公實秉節鉞往撫循之公懷溟海之英而振九牧之表其衣裳之矩度帶珮之鈎衡足以羽儀百寮而剛柔之質應乎四時文武之材宜乎五上天下人士聞風聲而景慕談名號而悅者何可勝數以是明德而發之於文獻其起涸瘵之民而登之乂服之地撫全蜀之衆還至仁之域所以輯綏土宇而震寧其山川延其永世之澤而

沈青霞公集

卷之一序

三

璧世之所謂奇寶也則以之連城而照乘自古稱蜀之難治非漢之諸葛孔明宋之張忠定公則不能稱治蜀之功而與蜀並傳公之在今其名德何讓焉其名世之跡當與周召比隆而以私於吾蜀僕本蜀人也固願書之以貽從者

贈兩松鄭君五十序

歛兩松君彬彬然其可謂有德君子也家於邑之巖鎮里桑梓翳乎若紫雲烟子姓昆弟聯室而比居於是人稱鉅族矣挾數千金負劍馳良馬遨遊吳會間人且稱鉅商矣然而兩松君衣冠不殊有

文雅之辭而無誇榮有揖讓溫恭之行而無所毗麗處於韋布而不流交於縉紳先生而不隘又將其子若諸子宦遊而學處弦歌而吟諷日鏘鏘然盛於詩書矣今年且五十某月某日爲其生之辰諸君子懷其德義樂其登年也則相與奉觴爲壽而屬余辭以祝之余固獲與兩松君遊而兩松君之諸子則方挾策處於余之門余知兩松君之賢昭明矣余惟琴瑟無求而良工調焉爲其有雅音也君子不言而衆好焉爲其有明德也明德之光譬之於星辰而曜形無有定質故木不必其梁柱

沈青霞公集

卷之一序

四

而後爲良材玉不必其瑚璉而後爲美器君子不必其黼黻也而後爲明德始余讀貨殖傳余有異於司馬氏之言以爲君子服道而登庸被仁而處義以彼之程工計材豈所施於禮樂之際哉迺今觀之不然物各足其所受而英華發人各順其所能而懿美昭故敬仲交能於經國孫武展奇於論兵王爾奏巧於運斤白圭奮財於居積其爲術不同而用則一也至陶朱公以處國則伯天下以處家則累千金又超然遠矣乃其盛節令聞復不在於材技之間乎故夫兩松君之壽可以觴之矣夫

樂其容止將贈之髮齒懷其聲音將不怠於其心故進之以旨酒者所以俾永久流之以歌詠者所以洽燕和然則江湖之遊其廊廟之適而五十之齒百年之祥也族姓將日以煩昌而子若諸子將日浚明使其衣冠車馬之盛聲華文物之美里宅遨遊之樂黃耆鮐背之徵昭然若行日月而索星辰固明德之光曜也詩曰南山有臺北山有萊樂只君子邦家之基樂只君子萬壽無期又曰南山有枸北山有楸樂只君子遐不黃耆樂只君子保艾爾后諸君子之所以祝兩松君者將無是之言乎

沈青霞公集

卷之一

序

五

贈懷德陳君六十序

余與懷德君固有通家之誼云昔君之子子仁爲邑弟子員負笈從余遊獨久其意氣恢恢也直欲薄於霄漢其行義輕金石也余至今懷思之其二季子中子寶亦因是歲時往來敘殷勤不廢曩歲余驅車馬過君家飲酒連日夜樽壘引滿握手相與交歡余見君之顏貌豐澤風義之敦厚而嘆君之福履未艾也君外家之子戴子雍亦余之諸生愛且重之不讓子仁而戴生固請余文辭以爲君

壽雖然微數子請余余亦爲之矣夫邱壑之人之與廊廟之士其趣舍殊也韋布之澤之與冠蓋之義不同也然而其德施均焉天之於有德若降嘉穀然旣與之美質又欲其峻茂而條成也則雨露以滋之風日以暄之於是種美者則穎穗全德厚者則福祕備詩曰瑟彼玉瓚黃流在中愷悌君子福祿攸降夫惟玉瓚之麗密而後黃流載之非君子愷悌福祿何以降之乎暨之流風率多以氣力相凌不因循於本實而惟其末流之爲勝則自以爲多智能矣而君獨不然雍容以寡言歛衽以退

沈青霞公集

卷之一

序

六

讓其容色溫然若處子也人以非意見凌固安受之故君未嘗求勝於人而人亦莫能負之也君蓋質成於自然所謂天之生嘉穀非耶記曰嘉穀之生則和氣成之矣懿德之邕則福履盈之矣

送鄭梧野序

夫人之遨遊與其周覽也豈非達性命之理然乎世之齷齪者安土而重思呶嚶兒女之歡晝懷桑戶之內至於老死而不離暨其委頓沉寢復歸於無有則疇昔之宛戀而不能已者亦奚啻萬里哉故達人高士恒寄跡於山水托意魚鳥以攜其無